

ՀԱՆԴԻՍԱՎՈՐ ՆԻՍՏ՝

ՆՎԻՐՎԱԾ ՇՈԹԱ ՌՈՒՍԹԱՎԵԼՈՒ ԾՆՆԴՅԱՆ 800-ԱՄՅԱԿԻՆ

Սեպտեմբերի 21-ին երևանում, Գ. Սունդուկ-յանի անվան պետական ակադեմիական թատրոնում կայացավ Շոթա Ռուսթավելու ծննդյան 800-ամյակին նվիրված հորելյանական հանդիսավոր նիստ, որին ներկա էին մայրաքաղաքի հասարակայնության բազմաթիվ ներկայացուցիչներ՝ բանվորներ, ծառայողներ, գիտնականներ, դրողներ, արվեստագետներ, ուսանողներ, նիստին մասնակցում էին նաև եղբայրական Վրաստանից ժամանած հյուրեր:

Հորելյանական հանձնաժողովի նախագահ Բանաստեղծ Բեղամ Սարյանը, բացելով հանդիսավոր նիստը, համառոտակի բնութագրեց Շոթա Ռուսթավելու «Վազրենավորը» պոեմի պաշտօնական ու գեղարվեստական այն արժանիքները, որոնք նրան դասում են համաշխարհային գրականության գլուխգործոցների շարքում: Շոթա Ռուսթավելին, — ասաց նա, — իր մեծ արվեստի շնորհիվ հարյուրամյակներ շարունակ գերել է շատ ու շատ սերունդների, սիրելի դարձել ոչ միայն վրաց, այլև աշխարհի բոլոր ժողովուրդներին:

Բացման խոսքից հետո զեկուցումով հանդես եկավ Նաիրի Զարյանը:

«Վազրենավորը» վիպերգությունը, — ասում է նա, — վրաց բազմադարյան հոգևոր մշակույթի պսակն է, համաշխարհային պոեզիայի գոհարներից մեկը: Շոթա Ռուսթավելին, հանդես գալով մի ժամանակաշրջանում, երբ Վրաստանը հասել էր իր հզորության ու ծաղկման գագաթնակետին, բանաստեղծական տողերում մարմնավորեց եղբայրության, սիրո, խաղաղության ու երջանկության համամարդկային ձգտումները, և այդ բոլորի շնորհիվ նրա պոեմը ձեռք է բերել անմրցելի ժողովրդայնություն: «Վրաս-

տանի գրականության այդ անգերազանց կոթողը, — շարունակում է զեկուցողը, — անապատում բուսած մի ծառ չէր: Նրա արմատները խաղված էին այն ժամանակվա Արևելքի զարթոնքն ազդարարող հոգևոր շատ երևույթների մեջ: Հիշենք Նիզամիի, Նավոյիի և Արևելքի մյուս հսկաների ստեղծագործությունները, Նարեկացու, Շնորհալու երկերը, Վարդան Այգեկցու առակները, հանճարեղ «Սասունցի Դավիթ» էպոսը և այլն»:

Զեկուցման վերջում Ն. Զարյանը խոսեց այն սիրո ու զնահատանքի մասին, որին արժանացել է Ռուսթավելու պոեմը հայ իրականության մեջ:

Հայկական ՍՍՀ ԳԱ ակադեմիկոս, Երևանի պետական համալսարանի ռեկտոր Մկրտիչ Ներսիսյանը խոսեց ռուսթավելագիտության մեջ հայ բանասերների ներդրած խոշոր ավանդի մասին: Նա հայտնեց նաև, որ շուտով Երևանի պետական համալսարանում ստեղծվելու է Ռուսթավելու անունը կրող գիտահետազոտական կաբինետ, որը դառնալու է վրաց բազմադարյան գրականության ուսումնասիրության կենտրոն մեր հանրապետությունում:

Հորելյանական նիստում ելույթներ ունեցան նաև հանրապետության ժողովրդական արտիստ, Հայաստանի կոմպոզիտորների միության նախագահ Էդուարդ Միրզոյանը, վրաց բանաստեղծ Ալիո Միրցխուլավան, Հովհաննես Շիրազը: Վրաց բանաստեղծ Ռեազ Մարգիանին արտասանեց Շոթա Ռուսթավելու ծննդյան 800-ամյակին նվիրված իր բանաստեղծությունը:

Հանդիսավոր նիստն ավարտվեց Վրաստանի և Հայաստանի արվեստի անվանի վարպետների համերգով:

Ա. ՍՈՂՈՄՈՆՅԱՆ

ՄԵԾԱՎԱՍՏԱԿ ՊԱՏՄԱԲԱՆԸ

(Ի. Պ. Կրիպյակևիչի ծննդյան 80-ամյակի առթիվ)

Նրա ցավ եղբայրական Ուկրաինայի մեծավասակ գիտնական, հանրապետության ակադեմիայի իսկական անդամ Իվան Պետրովիչ Կրիպյակևիչի ծննդյան 80-և գիտական ու հասարակական գործունեության 60-ամյակը:

Մեծ է նրա վաստակը ինչպես Ուկրաինայի, Ռուսաստանի ու Հեհաստանի, այնպես և Ուկրաինայի հայ գաղթավայրերի և հայ-ուկրաինական պատմական կապերի ուսումնասիրության բնագավառում: